



*Pakigpulong  
sa Lubong*

*(Visayan Version)*

R. B. THIEME, JR.

With permission of R. B. Thieme, Jr., Bible Ministries,  
this publication is distributed in the Philippines  
by Grace Logos Support Philippines, Inc.,  
without charge or obligation.

For more information text or call:  
*(Gihatag pinaagi sa GLSP nga walay bayad o obligasyon.  
Para sa dugang pang kasayuran text o tawag:)*  
email: [jersal1978@yahoo.com](mailto:jersal1978@yahoo.com) (Visayan)  
Smart: 0998-845-2964 (Visayan)  
Smart: 0908-236-1434 (Ilonggo)

The electronic version of this book can be read or downloaded  
through the Internet address <https://www.gracelsp.ph>.  
*(Ang elektroniko nga bersiyon niini nga libro mahimong mabasa o mabalhin ang datos  
pinaagi sa Internet adres nga <https://www.gracelsp.ph>.)*

# PAKIGPULONG SA LUBONG

R. B. THIEME, JR.



R. B. THIEME, JR., BIBLE MINISTRIES  
HOUSTON, TEXAS

Orihinal nga naimprinta isip *MEMORIAL TRIBUTE*

© 1991 ni R. B. Thieme, Jr. Ang tanang katungud gitagana.  
Ikatulong impresyon 2016.

Kini nga basahon napatik gikan sa mga pakigpulong ug  
wa-imantala nga mga sinulat ni R. B. Thieme, Jr.

Sa pag-order niini nga libro sa English, kontaka:  
R. B. Thieme, Jr., Bible Ministries  
P. O. Box 460829, Houston, Texas 77056-8829  
[www.rbthieme.org](http://www.rbthieme.org)

Walay bahin niining publikasyon nga ipasanay o ipadala sa  
bisan unsang porma o sa bisan unsang pamaagi, elektroniko o  
mekanikal, lakip na ang seroks, rekord, o sa bisan unsang sistema  
sa pagtipig ug pag-abli sa inpormasyon, nga walay nakasulat nga  
pagtugot gikan sa tigmantala.

Napatik sa Tagbilaran City, Bohol, Philippines, 2021.

Gihubad ngadto sa Binisaya nga pinulongan ni Jerome L. Salutan.  
Gitan-aw pagbalik nila ni Amado D. Carejo, David C. Vicoy ug Raflyn H. Salutan.  
Gipatik nga may pagtugot sa R. B. Thieme, Jr., Bible Ministries.

## *Pakigpulong sa Lubong*



ULUD SA ATONG TIBUUK-KINABUHI kita maghimo og daghang desisyon. Ang pipila maa-yong mga desisyon gikan sa usa ka posisyon sa kalig-on ug ang pipila dimaayong mga desisyon gikan sa usa ka posisyon sa kahuyang. Apan ang kinadak-ang desisyon nga atong mahimo mao ang usa nga nagaandam kanato alang sa kamatayon ug pagkamatay. Kana nga desisyon mao ang personal nga pagtoo diha ni Jesu-Kristo alang sa waykatapusang kaluwasan.

Busa, sa tanan nga nakahimo og desisyon sa pagtoo diha ni Jesu-Kristo, hibalo nga ang paghandum sa usa ka minahal kinsa namatay mao ang pagsaulog sa usa ka kadaugan—usa ka kadaugan batok sa kamatayon. Ang Kasulatan nagasukna:

“O kamatayon, asa man ang imong kalala? O lubnganan, asa man ang imong kadaugan?”  
(1 Mga Taga-Corinto 15:55)

Ang tubag usab gihatag sulud sa Kasulatan:

Salamat sa Dios, kinsa nagahatag kanato sa kadaugan pinaagi sa atong Ginoong Jesu-Kristo. (1 Mga Taga-Corinto 15:57)

Sa dihang ikaw maghimo sa kinadak-ang desisyon, ikaw andam na alang sa kamatayon tungud kay ikaw maghuput sa waykatapusang kinabuhi. Ang testimonya sa tanan kinsa mitoo diha ni Kristo makita diha sa Mga Taga-Filipos 1:21.

Alang kanako, ang pagkinabuhi mao si Kristo, ug ang pagkamatay maoy ganansiya. (Mga Taga-Filipos 1:21)

Aron makasabut sa “pagkamatay maoy ganansiya” ikaw kinahanglan unang makasabut nga ang kamatayon usa ka kadaugan alang sa magtotoo. Ang kamatayon maoy kadaugan sa Dios. Siya nagahatag og kadaugan kanato pinaagi sa pagpili sa oras, sa paagi, ug sa dapit sa atong kamatayon. Human kita magtoo diha ni Jesu-Kristo alang sa waykatapusang kaluwasan kita magpadayon sa paghimo og maayong mga desisyon ug dimaayong mga desisyon. Apan bisan pa sa mga desisyon nga kita maghimo sa kinabuhi, kon mahitungud sa atong kamatayon Dios ang nagahimo sa desisyon. Siya ang nagapili sa oras, sa paagi, ug sa dapit sa kamatayon alang sa matag magto-

too. Ug tungud kay ang Dios makiangayon ug perpekto, ang Iyang mga desisyon sa tanang-panahon makiangayon ug perpekto.

Adunay duha ka kahibulongang mga palisiya sa grasya nga gikahatag sa Dios alang niadtong kinsa magtoo diha ni Jesu-Kristo. Una ang kaluwasan pinaagi sa grasya:

Kay tungud sa grasya kamo naluwas pinaagi sa pagtoo; ug kana dili gikan sa inyong-kaugalingon, kini ang gasa gikan sa Dios; dili gikan sa mga buhat, aron dili si bisan-kinsang tawo makapasigarbo. (Mga Taga-Efeso 2:8–9)

Ug ikaduha ang pagkamatay pinaagi sa grasya.

Sumala sa akong matinud-anong pagpalandong [diha sa doktrina] ug sa masangputong kompiyansa nga dili gayud ako mahimong ma-ulawan, kundili uban sa integridad [sa espirituhanong pagkahamtong] bisan karon, ingon sa kanunay, si Kristo mahimaya sa akong kaugalingon, bisan kon sa pagkinabuhi [padayon nga espirituhanong pag-uswag] o sa kamatayon [pagkamatay nga grasya]. Alang kanako, ang pagkinabuhi mao si Kristo [okupasyon uban ni Kristo], ug ang pagkamatay maoy ganansiya [pagkamatay nga grasya]. (Mga Taga-Filipos 1:20–21)

Samtang ang magtotoo sulud sa panahon nagagamit sa iyang kabubut-on nga mahimong usa ka mananaog o pil-diro, kon mahitungud sa pagkamatay kini maoy labawng-kamandoan nga desisyon sa Dios.

Ang pagkamatay nga yugto diha sa plano sa Dios nagapahimug-at nga ang Dios uban sa Iyang perpektong kaalam nasayod sa labing-angay nga panahon sa pagkuha kanato gikan niining kalibutana. Ug alang sa mga magtotoo, ang kamatayon nagakahulugan nga kita:

. . . pagkawala gikan sa lawas apan sa atubangan diha sa Ginoo. (2 Mga Taga-Corinto 5:8*b*)

ug,

“Sulud sa usa ka dapit nga wala nay kaguul, wala nay mga luha, wala nay kasakit, wala nay kamatayon. Ang karaang mga butang nahanaw na.” (Pinadayag 21:4*b*)

Ang pagkamatay ganansiya alang sa mga magtotoo. Ang mga desisyon sa Dios sa tanang-panahon perpekto. Busa, samtang kita magbangutan sa pagkamatay sa usa ka minahal, kita usab mag-ila nga ang pagtakda sa Dios perpekto.

Bililhon sa mga mata sa Ginoo ang kamata-



yon sa Iyang mga santo [Iyang mga magtotoo].  
(Salmo 116:15)

Si Job nagsulti ingon niini:

“Ang Ginoo mihatag, ang Ginoo nagakuha.  
Dalayegon ang ngalan sa Ginoo.” (Job 1:21*b*)

Ug si Pablo nagaingon:

Kay kon kita maykinabuhi, kita magkinabuhi  
alang sa Ginoo, o kon kita mamatay, kita mag-  
pakamatay alang sa Ginoo; busa bisan kon  
kita maykinabuhi o mamatay, kita iya sa Ginoo.  
(Mga Taga-Roma 14:8)

Kini ang hinungdan nga ang usa ka magtotoo, sa ingon ang  
Kasulatan nagsulti, wala gikan kanato apan uban sa pre-  
sensiya sa Ginoo. Siya anaa sa dapit sa perpektong kali-  
pay, perpektong kadaitan, perpektong katagbawan, naghu-  
lat alang sa takna sa pagkabanhaw. Busa, kita magsaulog  
sa kamatayon sa usa ka magtotoo isip usa ka kadaugan. Si  
Jesus miingon didto sa usa ka lubnganan:

“Ako ang pagkabanhaw ug ang kinabuhi; siya  
nga nagatoo Kanako mabuhi bisan pa kon siya  
mamatay.” (Juan 11:25)

Kini usa ka kahulugan alang sa pagkabanhaw nga ang tanang magtotoo motagamtam sa umaabot nga adlaw.

Diha sa pakigpulong ni Eliphaz ngadto ni Job, sugod sa Job 5:19:

“Adunay unum nga kalit-nga-kalisdanan diin ang Dios mopalingkawas kanimo. Dugang pa adunay pito diin walay daotan ang makahilabot kanimo.” (Job 5:19)

Pipila niini nga mga kalit-nga-kalisdanan gihisgotan diha sa sunud nga bersikulo:

“Taliwala sa ekonomikanhong depresyon Siya manalipod kanimo gikan sa kamatayon, ug sa gerra gikan sa tigbas sa espada. Ikaw tagoan gikan sa pagsaway [katilingbanong kadaot], ug ikaw dili mahadlok sa kamatayon sa higayon nga kini moabut.” (Job 5:20–21)

Unya ang kamatayon gipaubus sa duha ka konsiderasyon:

“Kataw-an nimo ang kamatayon ug ekonomikanhong depresyon, kay ikaw walay angay kahadlok gikan sa usa ka mapintas o masakit nga kamatayon.” (Job 5:22)

Sa laing pagkasulti ang magtotoo dili gayud mawagtang

gikan niining kinabuhia gawas sa labawng-kamandoan nga desisyon sa Dios. Apan sa higayon nga ang Ginoo nagahimo sa maong desisyon walay usa ang makahawid kanato ibabaw niining kalibutana. Ang atong kamatayon desisyon sa Dios; busa, ang kamatayon kadaugan sa Dios. Ang Dios nagahatag kanato niini nga kadaugan pinaagi sa pagpili sa oras, sa paagi, ug sa dapit sa atong kamatayon. Sa tanang panghitabo sa kinabuhi ug kamatayon, ang pagtakda sa Dios maoy perpekto. Tungud niana si Job sa katapusan miingon:

“Ikaw mosangpot sa imong lubnganan sa hingpit nga pangidaron [sa tukmang panahon], sama sa usa ka binangan nga mais panahon sa iyang ting-ani.” (Job 5:26)

Kini usa ka paglarawan sa panguma. Adunay usa ka tukmang panahon ug usa ka sayup nga panahon sa pag-ani og mais. Usa ka eksperto lamang ang makadeterminar sa tukmang panahon. Niining kahimtanga, ang Dios maoy eksperto. Dios ang labing nasayod ug ang Iyang mga desisyon dili angay kadudahan. Busa ang pagkamapait tungud sa kamatayon sa usa-ka-tawo nga atong gimahal o sa usa ka higala sama ra sa pagpasipala—nagbugalbugal sa gugma, sa kaalam, sa integridad sa Dios. Ang pagbangutan tungud sa kamatayon sa usa ka higala o sa minahal normal kaayo, apan ang pagkamapait ug kasilag ngadto sa Dios dili.

“Ania kining doktrina, kami miusisa niini, mao kini ang unud niini; paminawa kini, ug gamita kini sa imong-kaugalingon.” (Job 5:27)

Kini ang hinungdan nga kita magsaulog sa usa ka ka-daigan. Ang kamatayon sa magtotoo diha ni Jesu-Kristo maoy usa ka pahinumdom sa kamubo sa panahon nga aduna kita ibabaw niining kalibutana. Ang kinabuhi nagabitay sa usa ka pino kaayong tanud nga mahimong mabugto sa bisan-unsang higayon. Busa, ang kamatayon sa magtotoo maoy usa ka pahinumdom aron makapangandam alang sa eternidad. Ikaw makapangandam pinaagi sa kinadak-ang desisyon sa imong kinabuhi. Kana nga desisyon gilakbit pag-asoy diha sa Kasulatan sa daghang paagi.

“Si bisan-kinsa ang nagatoo diha ni Kristo dili gayud malaglag, kundili makabaton og waykatapusang kinabuhi.” (Juan 3:16*b*)

“Too diha ni Ginoong Jesu-Kristo, ug ikaw maluwas.” (Mga Buhat 16:31*b*)

“Siya nga nagatoo diha sa Anak adunay waykatapusang kinabuhi; siya nga wala nagatoo dili makakita sa kinabuhi, kundili ang kaligutgut sa Dios nagapabilin diha kaniya.” (Juan 3:36)

Bisan-asa ka magpakli sa Kasulatan, ang maong de-

sisyon sa kanunay gihulagway sa susamang paagi—pagtoo diha ni Jesu-Kristo. Ang pagtoo usa ka waymerito nga sistema sa panabut. Sa pagtandi ngadto sa rasyonalismo ug empirisismo, ang pagtoo kinahanglan adunay usa ka hingtungdan nga adunay merito.

Diha sa waykatapusang kaluwasan ang hingtungdan sa pagtoo mao si Jesu-Kristo. Ang atong Ginoong Jesu-Kristo miadto sa krus ug samtang Siya anaa didto Siya midawat sa impyutasyon ug sa paghukum sa tanang sala sulud sa tawhanong kasaysayan—walay eksepsiyon. Ang matag sala nahukman ibabaw sa krus samtang ang atong Ginoo nagbitay didto. Ang Kasulatan nagalakbit-saysay pinaagi sa pag-ingon:

Ang Dios nagapadayag sa Iyang gugma alang kanato, sanglit bisan og kita mga makasasala pa, si Kristo namatay isip usa ka puli alang kanato. (Mga Taga-Roma 5:8)

Siya mipuli kanato. Siya mihimo niining posible alang kanato sa pag-angkon og waykatapusang kinabuhi. Siya mihimo niining posible alang kanato sa pagkaplag sa prinsipyo:

. . . ang pagkinabuhi mao si Kristo, ug ang pagkamatay maoy ganansiya. (Mga Taga-Filipos 1:21*b*)

Kini gitakda ngadto sa tawo nga mamatay sa

makausa, apan sunud niana ang paghukum; busa si Kristo, gikahalad makausa sa pagpas-an sa mga sala sa kalibutan, mopakita sa ikaduhang higayon, gawas sa sala, nganha sa kaluwasan. (Mga Hebreohanon 9:27–28)

Tungud sa kadaugan ni Kristo gumikan kanato, kita makasaulog sa pagpanaw sa usa ka minahal gikan niining kinabuhia ingon nga usa ka kadaugan.

Ang akong kalag nagahinumdom gayud ug napanton sulud kanako. Niini ako naghinumdom, busa ako adunay kompiyansa. Ang maloloy-ong mga lihok sa Ginoo dili gayud matapos; Iyang pagkamaunongon dili gayud mapakyas. Sila bag-o sa kada buntag; malungtaron ang Iyang pagkamatinumanon. “Ang Ginoo akong kabahin,” nagaingon ang akong kalag, “busa ako adunay kompiyansa diha Kaniya.” Ang Ginoo maayo alang niadtong kinsa magsalig diha Kaniya, ug niadtong kinsa mangita Kaniya. (Mga Pagbangutan 3:20–25)

Kay kita nasayod nga ang tanang butang mag-alayon alang sa kaayohan ngadto kanila nga maghigugma sa Dios, ngadto kanila nga natawag sumala sa Iyang katuyoan. (Mga Taga-Roma 8:28)

Kay Siya nga wala mipalingkawas sa Iyang Anak, apan mitugyan Kaniya isip usa ka puli alang kanatong tanan, nganong Siya dili man pinaagi Kaniya sa kinabubut-on mohatag kanato sa tanang butang? (Mga Taga-Roma 8:32)

Busa ako mitoo nga walay kamatayon, ni kinabuhi, ni mga anghel, ni mga ranggo, ni mga gahum, ni mga butang karong-panahona, ni mga butang sa umaabot, ni gihabogon, ni giladmon, ni bisan-unsang matang sa binuhat, ang makapabulag kanato gikan sa gugma sa Dios, nga anaa ni Kristo Jesus atong Ginoo. (Mga Taga-Roma 8:38–39)

Sa pagpahimug-at sa atong waykatapusang seguridad, si Jesus miingon:

“Ako maghatag ngadto kanila og waykatapusang kinabuhi, ug sila dili gayud malaglag; walay si bisan-kinsa ang makasakmit kanila gikan sa Akong kamut.” (Juan 10:28)

Daghan ang misulud sa panirbisyo sa wala pa ang Kalibutanong Gubat II ngadto sa dili-andam nga sundalong kahimtang diin nahitabo una sa Pearl Harbor. Apan adunay usa ka talagsaong batalyon sa impanteriya nga

andam-sa-pakiggubat tungud kay ang komandante sa batalyon usa ka maayo-kaayong lider. Kini nga komandante maypakabana bahin sa usa ka kapitan nga namuno sa usa sa iyang mga kompanya sulud sa batalyon. Ang kapitan usa ka talagsaong lider mismo nga may dako-kaayong potensiyal, apan siya adunay personal nga mga problema diin maoy hinungdan sa iyang kalisud.

Ang komandante sa batalyon mipatawag niining kapitan ngadto sa iyang opisina sa usa ka higayon sa paglaum nga makatabang kaniya og diyutay, ug tingali magsulbad sa kasubo nga gisagubang sa batan-ong lalaki. Ang kapitan mireport ug misaludo sa naandang paagi, “Kapitan Tal-Pulano nagatanyag-sa-kaugalingon ingon sa gimando, sir.”

Ang komandante mitubag, “Lingkod, kapitan.” Ah, hunahuna sa kapitan, sa ingon siya wala gipatawag aron kasab-an gayud. Siya milingkod nga may kahupayan.

Unya usa ka disinati nga butang ang nahitabo. Ang komandante sa batalyon misugod sa pagpakigsulti kaniya, dili gayud bahin sa kasundalohan kundili bahin sa usa-ka-butang espirituhanon. Siya misugod sa pagsaysay sa batan-ong kapitan bahin ni Ginoong Jesu-Kristo ug sa unsang-paagiha si Kristo nahukman alang sa iyang mga sala ibabaw sa krus. Ang komandante mipatin-aw ngadto kaniya sa yano kaayo nga pinaagi sa pagtoo diha ni Jesu-Kristo—pagtoo ug pagtoo lamang—siya makabaton og waykatapusang kinabuhi. Ang kapitan daw og interisado.

Apan sa pagtubag ngadto sa komandante, ang kapitan miingon, “Sir, ikaw nasayod nga ako walay pagkausab.



Ikaw nasayod nga bisan pa og ako motoo karon dayon ako dili gayud makaundang. Ikaw nasayod niana usab sama sa uban.”

Ug unya ang komandante sa batalyon mikutlo niini nga bersikulo, Juan 10:28.

“Ako maghatag ngadto kanila og waykatapusanang kinabuhi, ug sila dili gayud malaglag; wala si bisan-kinsa ang makasakmit kanila gikan sa Akong kamut.” (Juan 10:28)

Ang mensahe sa gihapon daw og wala magtuhup. Sa katapusan, ang komandante mialsa sa usa ka lapis ibabaw sa lamesa taliwala kanila. Uban sa lapis dinha siya miingon, “Karon, kapitan, gusto ko nga imong obserbahan ang lapis.”

Ang hunahuna sa kapitan, Nan, okey, tingali ang ‘tigulang’ nalisoan na sa pangisip, apan sundon ko kini.

Busa ang komandante sa batalyon mialsa sa lapis pinaagi sa iyang tudlo ug unya mibuhi sa iyang tudlo. Siya miingon, “Karon, kapitan, unsay nahitabo sa lapis?”

“Nan, sir, kini nahulog.”

“Sige, kapitan, tan-awa kini sa ikaduhang higayon.” Ug ang komandante sa batalyon sa hugut nga mikumkum sa lapis, ug siya miingon, “Karon, kapitan, unsay nahitabo sa lapis?”

“Nan, sir, wala kini mahulog.”

“Nganong wala man kini mahulog, kapitan?”

“Tungud kay ikaw naggunit niini.”

Unya ang komandante sa batalyon mikutlo niining bersikuloha pagbalik:

“Ako maghatag ngadto kanila og waykatapusanang kinabuhi, ug sila dili gayud malaglag; walay si bisan-kinsa ang makasakmit kanila gikan sa Akong kamut.” (Juan 10:28)

Ang kapitan nakasabut ug siya mitoo diha ni Jesu-Kristo isip iyang Manluluwas sa wala pa siya mibiya sa opisina.

Sama sa daghan-kaayong kalakin-an niadto nga henerasyon, sila miadto sa panggubatan. Ang komandante sa batalyon nga kaniadto usa ka tenyente koronel nahimong usa ka heneral, ug ang batan-ong kapitan kinsa mitoo diha ni Kristo nahimong usa ka tenyente koronel ug usa ka komandante sa batalyon mismo. Atol sa European Campaign ang iyang batalyon nagpaluyo sa usa ka flank taliwala sa usa ka taktikanhong sitwasyon nga padayong nag-atubang sa grabeng pag-ataki sulud sa taas nga panahon. Sa dihang ang iyang batalyon misibog sa katapusan, sila nabun-og pag-ayo tungud sa pag-ataki.

Samtang ang mga nahibilin sa iyang batalyon naglakaw sa dalan, ang tenyente koronel nakakita og usa ka dyip nga may duha ka bitoon ug siya nasayod nga kini usa ka heneral, ang komandante sa dibisyon. Busa siya mismo mihunong ug ang iyang pundok sa dungan, ug samtang siya nagkaduul siya nakaila sa iyang karaang higala, ang kanhi komandante sa batalyon, karon usa ka heneral.

Samtang ang dyip mipaduul ug mihunong siya mibarog nga waylihok kilid sa dyip sa heneral ug misaka sa iyang kamut pinaagi sa usa ka kalit nga pagsaludo. Unya siya mipabilin sa iyang kamut ug miingon, “Heneral, ang Dios nagagunit gihapon sa lapis!”

Mao kana ang kinadak-ang desisyon nga nagadala kanato sa pagsaulog sa usa ka kadaugan—ang kadaugan sa waykatapusang kinabuhi alang ni bisan-kinsa nga motoo diha ni Jesu-Kristo. Walay usa kanato ang takus o angayan niini nga katungud o niini nga pribilihiyo. Kita makaangkon og waykatapusang kinabuhi tungud og kinsa ug unsa si Kristo, dili tungud og kinsa ug unsa kita. Mag-ampo ta.

*Ikaw adunay pribilihiyo ug oportunidad sa paghimo sa susamang desisyon, sa pagkonsiderar pagbalik nga si Jesu-Kristo maoy imong puli ibabaw sa krus. Siya mipuli kanimo.*

Ang Dios nagapadayag sa Iyang gugma alang kanato, sanglit bisan og kita mga makasasala pa, si Kristo namatay isip usa ka puli alang kanato. (Mga Taga-Roma 5:8)

“Si bisan-kinsa ang nagatoo diha Kaniya dili gayud malaglag, kundili makabaton og waykatapusang kinabuhi.” (Juan 3:16b)

*Giduko ang imong ulo ug gipiyong ang imong mga*

*mata. Kini nagakahulugan nga ikaw adunay praybasi sulud sa imong kalag. Ang praybasi nagakahulugan og kagawasan. Ang kagawasan nagakahulugan nga ikaw makapahayag sa imong pagpili alang sa waykatapusang kinabuhi. Ikaw makapahayag sa imong pagpili niining higayona; kini nagakinahanglan lamang og usa ka segundo o duha. Unsaon? Sulud sa praybasi sa imong kalag og nagporma sa mga kapahayag pinaagi sa hunahuna lamang, sa hilum, ikaw makasulti sa Dios Amahan nga ikaw sa personal nga nagtoo diha ni Jesu-Kristo. Ug mao kana ang takna sa waykatapusang kinabuhi alang kanimo—dili tungud kay ikaw takus niini o angayan niini, kundili tungud kay ang atong Ginoong Jesu-Kristo mibayad niini ibabaw sa krus. Busa, pagtoo mao ang bugtong paagi sa waykatapusang kinabuhi—pagtoo diha ni Jesu-Kristo. Kini ang imong pribilihiyo ug imong oportunidad sa paghimo sa kinadak-ang desisyon sa imong kinabuhi, ug sa pagsulud ngadto sa tinuud nga kahulugan niini nga kadaugan.*

*Karon, Langitnong Amahan, kami mapasalamaton alang sa oportunidad sa paghimo sa kinadak-an sa tanang mga desisyon alang sa pagtoo sa personal diha ni Jesu-Kristo. Kami mapasalamaton alang sa gasa sa wakatapusang kinabuhi pinaagi ni Jesu-Kristo among Ginoong. Kami mapasalamaton alang sa kahupayan nga nagagikan sa Kasulatan sa kasayuran nga si Jesu-Kristo Mismo ang misangkap og*

*kadaugan batok sa kamatayon.*

Salamat sa Dios, kinsa nagahatag kanato sa kadaugan pinaagi sa atong Ginoong Jesu-Kristo. (1 Mga Taga-Corinto 15:57)

*Kami mapasalamaton nga ang magtotoo kinsa mamatay mahimutang sa usa ka dapit sa dako-kaayong kalipay ug dako-kaayong panalangin. Kami nga nahibilin maghandum ug magbangutan niadtong kinsa mangamatay ug mag-ila niining kahibulongan nga kadaugan batok sa kamatayon. Hupaya tanan kadtong kinsa magsubo alang sa mga minahal nga nangamatay. Hatagi sila sa kalig-on ug panabut alang sa pag-ila sa kamahinungdanon sa kaluwasan tungud sa grasya pinaagi sa pagtoo diha sa atong Ginoong Jesu-Kristo. Kami maghangyo niini pinaagi sa ngalan sa Anak, ang Hari sa mga hari, ang Ginoo sa mga ginoo, bisan ni Jesu-Kristo among Manluluwas. Amen.*

---

Kini usa ka hinashasan nga transkripto gikan sa usa ka seremonyas sa patay nga gihatag ni R. B. Thieme, Jr., isip Pastor sa Berachah Church, Houston, Texas. Gawas kon gitumbok, ang Kasulatan nga mga kinutlo maoy mga hinubad sa tagsulat gikan sa orihinal Hebreyo ug Griyego. Ang mga reperensiya nga minarkahan og NASB maoy hinubad gikan sa New American Standard Bible. Ang sinanggaang komentaryo nagatin-aw sa kahulugan, nagapadayag sa exegesis, o nagalambigit sa yugto diha sa umaabot nga hilisgutan. Mga pagrekord sa Bibliyanhong mga klase ang maangkon gikan sa R. B. Thieme, Jr., Bible Ministries, Houston, Texas.





